



**GET UP
SIGN UP**
THE UNIVERSAL DECLARATION OF HUMAN RIGHTS

„Ljudska prava počinju s Tobom” je nova radionica za unapređenje svjesnosti koju organizuje *Amnesty International*, a koja ima za cilj da upozna mlade ljude, između 12 i 18 godina starosti, sa idejom borbe za ljudska prava. Radionica ističe važnost aktivnog i odgovornog učešća pojedinca u zaštiti ljudskih prava i njihovom promovisanju u vlastitoj društvenoj sredini. Koristeći formu učesništva, radionica poziva mlade ljude da se osvrnu na sljedeća pitanja:

- Šta su ljudska prava? Koja ljudska prava su najvažnija za mene? Koja ljudska prava moram osigurati da bih imao\la sretan i ispunjen život kada odrastem? U kakvom društvu želim živjeti za deset godina?
- Koja iskustva u tvom životu i životu tvoje sredine su te najviše naučila o ljudskim pravima? Kako ti to znanje pomaže da razumiješ brigu za ljudska prava koju ispoljavaju ljudi u drugim krajevima svijeta? Šta možeš učiniti da iskoristiš to svoje razumijevanje i iskustvo da bi pomogao\la u stvaranju društva u kojem želiš živjeti u budućnosti? Šta možeš učiniti da iskoristiš svoje razumijevanje i znanje da bi

Ljudska prava počinju s tobom

Radionica *Amnesty International*-a
za unapređenje svjesnosti mladih ljudi
od 12-18 godina starosti

pomogao\la u zaštiti ljudskih prava u drugim dijelovima svijeta?

- Ko garantuje moja ljudska prava? Jesu li ljudska prava nešto o čemu mogu razgovarati samo političari i diplomate? Šta mogu učiniti u mojoj užoj okolini da pomognem da više ljudi razmišlja i govori o ljudskim pravima?

Poistovjećivanje sa mladim ljudima čija su prava prekršena

Tokom rada radionice, učesnici će biti upoznati sa pričom jedne mlade osobe, iz druge zemlje, kojoj su bila uskraćena osnovna ljudska prava - i čiji slučaj je bio povod za intervenciju *Amnesty International*-a. Ovakvi slučajevi uključuju:

- ▲ Petnaestogodišnju budističku opaticu iz Tibeta, koju su kineske vlasti zatvorile na 20 mjeseci zbog mirnog izražavanja njenih vjerovanja.
- ▲ Predsjednika kubanskog Pokreta mladih za demokraciju, kojeg su kubanske vlasti osudile na 18 mjeseci zatvora zbog zagovaranja mirnih reformi univerzitetskog obrazovanja u zemlji.

▲ Vođe Studentskih sindikata univerziteta u Keniji, koji je isključen sa Univerziteta i kome je prijećeno od strane vlasti nakon što je sa svojim kolegama učestvovao u kampanji za ustavne promjene u Keniji.

▲ Trinaestogodišnjeg dječaka iz Šri Lanke kojeg su australijske vlasti držale nekoliko mjeseci u zatvorenom centru sa maksimalnim obezbjeđenjem prije nego što mu je dodijeljen status izbjeglice, a nakon što je pobjegao od bombardovanja i artiljerijskih napada na njegovo rodno selo i pretrpio zlostavljanja od strane policije u glavnom gradu.

Nakon upoznavanja sa pričom jedne od ovih mladih osoba, od učesnika radionice će se tražiti da zamisle da ih je ova osoba došla posjetiti u njihovoj školi ili omladinskoj grupi. Od učesnika će se tražiti da razmisle:

■ Koja pitanja bi želio\la postaviti posjetiocu o njegovim ili njenim iskustvima? Šta bi želio\la da im kažeš o svojoj zemlji i svojoj društvenoj sredini? Koja iskustva bi Vam bila zajednička? Po čemu biste se razlikovali?

■ Šta bi mogao\la učiniti u svojoj zemlji i svojoj društvenoj sredini da bi pomogao\la da ljudi saznaju o prekršenim pravima tvog posjetioca?

Na kraju učesnici će biti upitani da li žele napisati kolektivni apel u ime jedne od osoba čiji slučaj je raspravljan tokom rada radionice. Apel će biti adresiran vlastima zemlje u kojoj se

slučaj dogodio i tražit će od njih da u potpunosti ispoštuju mirno izražavanje ljudskih prava dotične osobe - i svih ostalih građana - u skladu sa Univerzalnom deklaracijom o pravima čovjeka. Nakon toga *Amnesty International* će poslati ovaj apel nadležnim vlastima.

Učesnici će takođe imati priliku da nauče nešto o tome kako ovakve jednostavne intervencije mogu napraviti razliku u životima mladih ljudi koji su iskusili ili su u opasnosti od kršenja ljudskih prava u zemljama širom svijeta. Rezultati kampanja organizovanih od strane *Amnesty International*, a postignuti pisanjem pisama i drugim metodama, takođe će biti naglašeni tokom rada radionice. Učesnici će dobiti osnovne informacije o radu *Amnesty International-a* i Univerzalnoj deklaraciji o pravima čovjeka napisane na njihovom jeziku.

Molimo vas da se za više informacija o ovoj radionici obratite:

Brian Phillips,
Campaign Coordinator,
Europe Regional Program,
Amnesty International,
International Secretariat,
1 Easton Street,
London WC1X 8DJ,
United Kingdom
Telefon: +44 171 413 5970
Fax: +44 171 956 1157
e-mail: bphillip@amnesty.org

AI Index: ACT 30/034/1998